

ARRATIAKO ENPRESA-IDEIEN III. LEHIAKETA

(2019) – OINARRIAK

Arratiako Udalen Mankomunitateak, hura osatzen duten udaletako gazteria-zerbitzuek eta Bizkaiko Foru Aldundiak abiarazi dute Arratiako Enpresa Ideien Lehiaketa, eskualdeko gazteei laguntzeko programaren barruan.

1.- ELBURUAK:

- Ekintzailtza-kultura Arratiako eskualdean zabaltzea.
- Enplegua eta aberastasuna sortzea Arratiako eskualdean.
- Eskualdeko ekonomia bultzatzea.
- Enpresa-ideiarik onenak saritzea.

2.- NORI ZUZENDUTA DAGO?

Lehiaketa 18 eta 35 urte bitarteko gazte guztiei zuzenduta dago, betiere haien enpresa-ideiak (enpresa- edo produkzio-zentroa) Arratiako eskualdean kokatzen badira. Enpresa bat sortzeko ideiak edo dagoeneko 2019an sortu diren enpresak izan daitezke, baina Arratian egon behar dira, eta horien sustatzaileek adierazitako adin-betekizuna bete behar dute.

3.- SARIAK

1. saria: 4.000 €

2. saria: 2.000 €

Lehen sektoreari lotutako ideiarik onena: 1.000 €, aurreko sarietako baten bat jaso ez badu; kasu horretan, edo lehen sektoreari lotutako proiekturik aurkezten ez bada, zenbateko hori hirugarren sari gisa emango da.

*Oharra: epaimahaiaren aburuz ideiek ez badute gutxieneko maila, sariak eman gabe geratu ahalko dira.

**Oharra: ideia saridun guztiak Arratiako Udalen Mankomunitatearen Gazteria Zerbitzuen esku geratuko dira, zeinek enpresa-idea abian jartzeko ahalmena izango duten, ideia aurkeztu duenarekin batera zein bera gabe.

4.- PROIEKTUAK BALORATZEKO KONTUAN HARTUKO DIREN IRIZPIDEAK ETA BALORATZEKO MODUA

Epaimahaiak jarraian adierazitako irizpide, meritua eta elementuak baloratuko ditu aurkeztutako proiektuetan:

- Izaera berritzailea: balio erantsia edukitzea edota originala izatea.
- Enplegua sortzeko aukera eta horien kalitatea.

- Lantalde sustatzailearen gaitasuna (profil egokiak) proiektua arrakastaz garatu eta abiatzeko.
- Proiektua Arratian gauzatzeko aukera edo eskualdera egokitzekoa. Proiektuaren deskribapen- / garapen-maila.
- Proiektuaren garapen- eta deskribapen-maila.
- Proiektuaren jasagarritasuna (ingurumenari zein ekonomiari dagokienez).
- [Produktu, zerbitzu, material eta baliabideen balioa ekonomian mantentzea ahalik eta denbora gehien, eta gutxienera murriztea sortutako hondakinak.](#)
- [Produktuen iraunkortasunaren, berrerabilpenaren eta konponketaren eta hondakinak birziklatzearen alde jardutea.](#)
- Gizarte-eragina.

Bozketaren arauketa:

Lehenengoa: Epaimahaikideak ezagutzera emango dira proiektuak aurkezteko epea amaitu eta 10 eguneko epean, Arratiako Udalen Mankomunitatearen iragarki-taulan jendaurrean erakutsita, Mankomunitateko gazteria-zerbitzuek adierazitako lekuan. Erakunde antolatzaileek erabakiko dute epaimahaia hiru, bost ala zazpi kidek osatuko duten.

Bigarrena: Lehiaketa eta sariak (guztiak edo batzuk) hutsik geratu ahalko dira epaimahaia egokitzat jotzen badu, edo uste badu aurkeztutako ideiek ez dutela gutxienera maila.

Hirugarrena: Epaimahaia aurkezten diren proiektu guztiak baloratu beharko ditu. Bozketaren hasieran, epaimahaikideek gehiengoz erabaki beharko dute proiektuak osorik baloratuko dituzten (zazpi irizpideak kontuan hartuta) ala balorazio-atal bakoitzari portzentaje bat esleituko dioten. Era berean, eta gehiengoz beste behin, erabaki ahalko dute beste balorazio-eredu bat erabiltzea, betiere lehen adierazitako irizpideei jarraikiz.

[Laugarrena.- Parte hartzaileek beren proiektuak defendatuko dituzte epaimahaiaren aurrean; horretarako, lehiaketaren oinarrietako balorazio irizpideak garatuko dituzte.](#)

Bosgarrena.- Epaimahaiaren botoen aurka ezingo da ez apelaziorik ez errekurtsorik aurkeztu, haien eginkizuna, hein handi batean, baloraziozkoa baita.

5.- EPEAK

Proiektuak aurkezteko azken eguna: **2019ko urriaren 31an, (14:00ak arte).**

6.- AURKEZTU BEHARREKO DOKUMENTAZIOA*

- Izena emateko fitxa, beteta.
****Hautazkoa:** proiektuaren azalpen- eta garapen-memoria aurkeztu ahal izango da, ebaluatuko diren irizpideen arabera.

- Beste gutun-azal batean (itxita), ideia aurkezten duenaren edo dutenen datuak:
 - ✓ NANaren fotokopia.
 - ✓ Curriculum Vitaea.
 - ✓ Aurkezten den ideiareen izenburua.

*Agiri guztiak paperean aurkeztu beharko dira.

7.- INFORMAZIO GEHIAGO ESKURATZEKO ETA ESKAERAK JASO ETA AURKEZTEKO TOKIA

ARRATIAKO UDALEN MANKOMUNITATEA

Elخالde 49

48140- IGORRE (Bizkaia)

Tel. 94 631 17 17

WWW.arratia.eus

mankomunitatea.arratia@bizkaia.org

8-. SARI-BANAKETA

Sariak 2018ko azaroaren 29ean (12:00etan) banatuko dira; dena dela, egun hori aldatu ahal izango da, antolaketa-beharrak direla eta.

Jendeari ezagutaraziko zaio, eta parte-hartzaileei sari-banaketaren ordua eta tokia jakinaraziko zaizkie, baita eguna ere, hasieran aurreikusitakoa aldatzen bada.

9.- JABETZA INTELEKTUALA

ARRATIAKO UDALEN MANKOMUNITATEAK saritutako proiektuen ideia guztiak eta jabetza intelektualak bereganatuko ditu. Horrenbestez, askatasun osoa edukiko du enpresa-ideia abian jartzeko, zuzenean edo hirugarrenen bitartez eta ideia aurkeztu duen pertsonarekin batera edo hura barik, betiere sortzaileak (edo sortzaileek) ez badu ideia garatzeko asmorik.

10.-DATU PERTSONALAK

Parte-hartzaileek parte hartzeko eskaerarekin batera sinatu beharko dute berariaz onartzen dutela beren datuak ARRATIAKO UDALEN MANKOMUNITATEAREN eta Mankomunitateko udalen datu-baseetan sartu, erabili eta gordetzea; bai eta Mankomunitateko udalerriei eta Bizkaiko Foru Ogasunari lagatzea ere.

Bestalde, parte hartzean baimena emango dute haien izena eta bi abizenak aurkeztutako proiektuari lotuta zabaltzeko: prentsan, hedabideetan eta iragarki-tauletan.

Halaber, berariaz baimenduko dute sari-banaketan ateratako argazkiak –zeinetan gertatu liteke parte-hartzaileak agertzea– gorde, erabili eta zabaltzea: prentsan, hedabideetan eta iragarki-tauletan nahiz lehiaketaren hurrengo edizioetako iragarkietan.

Arratian, 2018ko irailaren 11an.